



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Agostu 2010

Edisaun : 3, Setembru 2010

**JSMP hala'ó desiminasan informasaun konabá prosesu lejislasaun iha
Distritu Bobonaro**

Judicial System Monitoring Programme (JSMP) liu husi unidade Programa Observasaun bá Parlamentu (POP) iha Tersa Feira, 17 Agostu 2010 liu bá, hala'ó desiminasan informasaun bá autoridade lokal ka xefe suku iha Salaun Administrasaun Distritu Bobonaro. Programa ne'e organiza hamutuk ho The Asia Fondation (TAF).

Luis de Oliveira Sampaio, Direitór JSMP haktuir katak, objetivu husi desiminasan informasaun ne'e atu aumenta koñesementu xefe sukus sira konabá prosesu lejislativu en jeral, no kna'ar ou servisu husi orgaun soberania "Parlamentu Nasionál" nian nu'udar representante povu iha uma fukun Parlamentu Nasionál.

Tuir observasaun JSMP durante diskusaun ne'e la'ó ativu maski iha inísiu autoridade lokal sira la du'un hatene konabá kna'ar parlamentu nian, inklui kompeténsia atu halo lei no fiskalizasaun bá programa governu nian.

Iha okaziaun ne'e mós JSMP informa aktividade membru Parlemtentu Nasionál durante priodu fulan Marsu to'o mai fulan Maiu, hanesan publikasaun primeiru bá bulletin JSMP nian iha fulan Maiu 2010 nia laran. Iha bulletin ne'e, haktuir katak, membru parlamentu sira la du'un ativu iha prosesu halo lejislasaun. Situasaun ne'e obriga Prezidente Parlemtentu Nasionál Sr.Fernando Lasama de Araújo husu bá deputadu sira atu kumpri oras servisu.

Aelinde ne'e, iha okaziaun ne'e mós JSMP esplika konabá feriadu ne'ebé koñesidu liu ho lian fuan resesu durante fulan rua.

Rona tiha programa fahe informasaun partisipantes sira rekomenda pontus bálu mak hanesan tuir mai ne'e:

- Husu bá deputadu no deputada sira atu kumpri sira nia oras servisu
- Husu bá deputadu/a sira atu ativu iha prosesu halo lejislasaun
- Husu bá deputadu/a sira atu halo fiskalizasaun programa governu to'o iha baze

- Husu bá deputadu/a sira atu halo lei spesial ida bá xefe suku hodi hetan pensaun vitalisia hanesan membru Parlamentu Nasionál sira.
- Inklui husu bá membru Parlamentu Nasionál atu ferias fulan ida deit, la bele to'o fulan rua.

Rekomendasaun hirak ne'e ható husi xefe suku sira wainhira rona tiha katak deputadu/a sira iha fulan Marsu to'o Maiu la duun ativu iha prosesu halo lejislasaun, la kumpri oras servisu no feriadu naruk, maibé ativu liu iha prosesu ható informasaun oi-oin husi deputadu/a sira wainhira halo fiskalizasaun iha baze.

Atu hetan infórmasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun e-mail: luis@jsmp.minihub.org

Landline: 3323883